

confidentes in patrocinio Matris Dei et nostrae? neque nos primi erimus in tanti consecutione beneficii.

R. Benedicta † et venerabilis es, Virgo Maria, * Cujus viscera meruerunt portare Dominum Christum. **℣.** Benedicta tu in mulieribus et benedictus fructus ventris tui. Cujus.

Lectio xii

MULTI nos praecesserunt; multi, inquam, ad singulare et plane maternum patrocinium tantae Virginis accesserunt, et nemo confusus aut tristis dimissus est, sed omnes hilares et gaudentes, freti patrocinio tantae Matris. De qua enim scriptum est: Ipsa conteret caput tuum, in ea confidunt, se quoque fidenter ambulaturos super aspidem et basiliscum, et conculcaturos leonem et draconem. Neque enim videtur posse perire is, de quo dictum sit Virgini a Christo: Ecce filius tuus, dummodo et ipse non surda aure audiat, quod ei Christus dixerit: Ecce Mater tua.

R. Beata es, † Virgo Maria, Dei Genitrix, quae credidisti Domino: perfecta sunt in te, quae dicta sunt tibi: ecce exaltata es super choros Angelorum: * Intercede pro nobis ad Dominum Deum nostrum. **℣.** Ave, Maria, gratia plena; Dominus tecum. Intercede. **Gloria Patri.** Intercede.

Sequentia sancti Evangelii secundum Joannem

Cap. 19, 25-27



IN illo tempore: Stabant juxta crucem Jesu mater ejus, et soror matris ejus Maria Cleophae, et Maria Magdalene. Cum vidisset ergo Jesus matrem, et discipulum stantem, quem diligebat, dicit matri suae: Mulier, ecce filius tuus. Deinde dicit discipulo: Ecce mater tua. Et ex illa hora accepit eam discipulus in sua.

AD LAUDES

℣. Diffusa est gratia in labiis tuis. **R.** Propterea benedixit te Deus in aeternum.

Ad Bened. Añā O beata Virgo † Maria: tu gratiae Mater, tu spes mundi, exaudi nos filios tuos clamantes ad te.

Oratio

OMNIPOTENS sempiterna Deus, qui in Corde beatae Mariae Virginis dignum Spiritus Sancti habitaculum praeparasti: concede propitius; ut eiusdem immaculati Cordis festivitatem devota mente recolentes, secundum Cor tuum vivere valeamus. Per Dominum ... in unitate ejusdem Spiritus Sancti.

IN II VESPERIS

℣. Dignare me laudare te, Virgo sacrata. **R.** Da mihi virtutem contra hostes tuos.

Ad Magnif. Añā Exsultavit cor meum † in Domino, et exaltatum est cornu meum in Deo meo, quia laetata sum in salutari tuo.

In Festo Immaculati Cordis B. M. V.

DUPLEX II CLASSIS

Omnia ut in Communi Festorum B. M. V., praeter sequentia.

IN I VESPERIS

℣. Dignare me laudare te, Virgo sacrata. **R.** Da mihi virtutem contra hostes tuos.

Ad Magnif. Añā Exsultavit cor meum † in Domino, et exaltatum est cornu meum in Deo meo, quia laetata sum in salutari tuo.

Oratio

OMNIPOTENS sempiterna Deus, qui in Corde beatae Mariae Virginis dignum Spiritus Sancti habitaculum praeparasti: concede propitius; ut eiusdem immaculati Cordis festivitatem devota mente recolentes, secundum Cor tuum vivere valeamus. Per Dominum ... in unitate ejusdem Spiritus Sancti.

AD MATUTINUM

In I Nocturno Lectiones Ego sapientia.

In II Nocturno

Sermo sancti Bernardini Senensis

Lectio v

Ex sermone 9 de visitatione



QUIS mortalium, nisi divino tutus oraculo, de vera Dei et hominis Genetrice quidquam modicum, sive grande praesumat incircumcisis, immo pollutis labiis nominare, quam Pater ante saecula

Deus perpetuam praedestinavit in Virginem, dignissimam Filius elegit in Matrem, Spiritus Sanctus omnis gratiae domicilium praeparavit? Quibus verbis ego homunculus sensus altissimos virginei Cordis, sanctissimo ore prolatos, effera, quibus non sufficit lingua omnium Angelorum? Dominus enim ait: Bonus homo de bono thesauro cordis profert bona; quod verbum potest etiam esse thesaurus.

R. Sicut cedrus † exaltata sum in Libano, et sicut cyprissus in monte Sion: quasi myrrha electa, * Dedi suavitatem odoris. **℣.** Et sicut cinnamomum et balsamum aromatizans. **Dedi.**

Lectio vi

QUIS inter puros homines melior homo potest excogitari, quam illa, quae meruit effici Mater Dei, quae novem mensibus in corde et in utero suo ipsum Deum hospitata est? Quis thesaurus melior, quam ipse divinus amor quo fornaceum cor Virginis ardens erat? De hoc igitur Corde quasi de fornace divini ardoris Virgo beata protulit verba bona, id est, verba ardentissimae caritatis. Sicut enim a vase summo et optimo vino pleno, non potest exire nisi optimum vinum; aut sicut a fornace summi ardoris non egrreditur nisi incendium fervens; sic quippe a Christi Matre exire non potuit verbum, nisi summi summique divini

amóris atque ardóris.

R. Quæ est ista, † quæ procéssit sicut sol, et formósa tamquam Jerúsalem?
* Vidérunt eam filiæ Sion, et beatam dixerunt, et reginæ laudavérunt eam.
V. Et sicut dies verni circúmdabant eam flores rosárum et lília convállium. Vidérunt.

Lectio vii

SAPIÉNTIS quoque dóminæ et matrónæ est pauca verba, sólida tamen atque sententiósa habére; proinde septem viciibus quasi septem verba tantum miræ senténtiæ et virtútis a Christi benedictíssima Matre legúntur dicta, ut mystice ostendátur ipsam fuisse plenam grátia septifórmi. Cum Angelo bis tantúmmodo est locúta. Cum Elisabeth bis étiam. Cum Filio étiam bis, semel in templo, secúndo in núptiis. Cum ministris semel. Et in his ómnibus semper valde parum locúta est; excépto quod in laude Dei et gratiárum actióne se ámplius dilatávit, scilicet, quum ait: Magnificat ánima mea Dóminum. Ubi non cum hómine, sed cum Deo locúta fuit. Hæc septem verba secúndum septem amóris procéssus et actus sub miro gradu et órdine sunt proláta; quasi sint septem flammæ fornáci Cordis ejus.

R. Ornátam † monilibus filiam Jerúsalem Dóminus concupívit: * Et vidéntes eam filiæ Sion, beatíssimam prædicavérunt, dicéntes: Unguéntum effúsum nomen tuum. **V.** Astitit regina a dextris tuis in vestítu deauráto,

circúmdata varietáte. Et vidéntes.

Lectio viii

ULTIMUM litúrgicum, quo Cordi Immaculáto Virginis Mariæ débitus tribúitur honor, cuique plures viri sancti ac mulieres viam parárun, ipsa Apostólica Sedes primum approbávit ineúnte sæculo undevicésimo, cum Pius Papa séptimus festum Puríssimi Cordis Mariæ Virginis instituit, ab ómnibus diocécibus et religiósus familiis, quæ id petiissent, pie sanctéque agéndum: quod póstmódum Pius Papa nonus Officio ac Missa própria auxit. Ardens autem stúdiu atque optátum, jam sæculo décimo séptimo exórtum et in dies invaléscens, ut nempe ejúsmodi festum, majóri solemnitate donátum, totiús Ecclésiæ commúne efficerétur, Summus Póntifex Pius duodécimus benígne excípiens anno millésimo nongentésimo quadragésimo secúndo, bello atrocíssimo per orbem fere totum ingravescénte, infinitas populórum aerúmna miserans, pro sua in Matrem cælestem pietáte ac fidúcia genus hóminu univérsu illíus Cordi benigníssimo obsecrátióne solémni eníxe commendávit, atque in honórem ejúsdem Immaculáti Cordis festum cum Officio et Missa próprie in perpétuum ubíque celebrándum indíxit.

R. Diffúsa est † grátia in lábiis tuis, * Proptérea benedixit te Deus in ætérnum. **V.** Myrrha et gutta et cásia a vestiméntis tuis, a grádibus ebúrneis,

ex quibus delectavérunt te filiæ regum in honóre tuo. Proptérea. Glória Patri. Proptérea.

In III Nocturno

Lectio sancti Evangélii secúndum Joánnem

Lectio ix

Cap. 19

IN illo témpore: Stábant juxta crucem Jesu Mater ejus, et soror Matris ejus María Cléophæ, et María Magdaléne. Et réliqua.

Homilia sancti Robérti Bellarmíno Epíscopi

De septem verbis Christi in Cruce, cap. 12



INUS et jugum impósitum a Dómino sancto Joánni, ut Virginis Matris curam géreret, vere fuit jugum suáve et onus leve. Quis enim non libentíssime cohabitáret Matri illi, quæ Verbum incarnátum in útero novem ménsibus portávit, et illi totos trigínta annos devotíssime dulcissiméque cohabitávit? Quis non invidet dilécto Dómini, qui in abséntia Filii Dei præséntiam obtínuit Matris Dei? Sed, nisi fallor, póssumus et nos a benignitate Verbi nostri causa incarnáti et ex dilectióne nímia nostri causa crucifixi, précibus impetráre, ut dicat et nobis: Ecce Mater tua; et Matri suæ de nobis dicat: Ecce filius tuus.

R. Felix namque es, † sacra Virgo María, et omni laude digníssima: * Quia ex te ortus est sol justitiæ, Christus, Deus noster. **V.** Ora pro

pópulo, intérvieni pro clero, intercède pro devóto femíneo sexu: séntiant omnes tuum juvámén, quicúmque celebrant tuam sanctam festivitátem. Quia ex te.

Lectio x

NON est avárus pius Dóminus gratiárum, dúmmodo ad thronum grátia ejus cum fide et fidúcia et non ficto corde, sed vero et sincéro accedámus. Qui nos coherédes esse vóluit regni Patris sui, non dedignábitur certe nos coherédes habére amóris Matris suæ. Sed nec ipsa Virgo benigníssima gravábitur multítudine filiórum, cum sinu amplíssimu hábeat et valde cúpiat, nullum períre ex his, quos Fílius suus tam pretiósó ságuine et tam pretiósá morte redémit.

R. Beátam † me dicent omnes generatiónes, * Quia fecit mihi Dóminus magna qui potens est, et sanctum nomen ejus. **V.** Et misericórdia ejus a progénie in progénies timéntibus eum. Quia.

Lectio xi

ADEÁMUS ergo cum fidúcia ad thronum grátia Christi, et suppliciter nec sine lácrimis ab eo petámus, ut de unoquoque nostrum Matri suæ dicat: Ecce filius tuus; et unicuique nostrum de Matre sua dicat: Ecce Mater tua. Quam bene nobis erit sub præsidio tantæ Matris? Quis nos detráhere audébit de sinu ejus? Quæ nos tentátio superáre póterit,